

თელავის მუნიციპალიტეტის საკრებულოს  
სამანდატო-საპროცედურო და იურიდიულ საკითხთა კომისიის სხდომის  
ოქმი № 7

ქ.თელავი

30. 04. 2018წ.

თავმჯდომარეობდა: სამანდატო-საპროცედურო და იურიდიულ საკითხთა კომისიის  
თავმჯდომარე ნანა ხვისტიანი  
ესწრებოდნენ კომისიის წევრები: ტიტე დარეჯანიშვილი, დავით ლაღანიძე, მათა  
მარკოზაშვილი, ლევან კოჭლოშვილი, არჩილ თვალაშვილი, ზურაბ ნაცარაშვილი,  
ზაქარია გრიშკაშვილი.  
აგრეთვე ესწრებოდნენ: თელავის მუნიციპალიტეტის საკრებულოს სამანდატო-  
საპროცედურო და იურიდიულ საკითხთა კომისიაში მოწვეული სპეციალისტი მედეა  
ჩაფურიშვილი.

დღის წესრიგი

1. თელავის მუნიციპალიტეტის საკრებულოს 2018 წლის 23 მარტის №34  
დადგენილებაზე საქართველოს მთავრობის ადმინისტრაციის იურიდიული  
დეპარტამენტის სამართლებრივი დასკვნის განხილვის შესახებ.  
მომხს. ნ. ხვისტიანი

მოისმინეს: თელავის მუნიციპალიტეტის საკრებულოს 2018 წლის 23 მარტის №34  
დადგენილებაზე საქართველოს მთავრობის ადმინისტრაციის იურიდიული  
დეპარტამენტის სამართლებრივი დასკვნის განხილვის შესახებ.


აზრი გამოთქევს: ნანა ხვისტიანი აღნიშნა რომ საქართველოს მთავრობის  
ადმინისტრაციის იურიდიული დეპარტამენტის სამართლებრივ დასკვნაში  
გამოთქმული შენიშვნა მისაღებია, ვინაიდან თელავის მუნიციპალიტეტის  
საკრებულოს 2018 წლის 23 მარტის #34 დადგენილება უნდა შეესაბამებოდეს  
პროდუქტის უსაფრთხოებისა და თავისუფალი მიმოქცევის კოდექსის“ 46-ე მუხლის  
მოთხოვნებს და სრულ შესაბამისობაში უნდა იყოს მასთან.

მედეა ჩაფურიშვილი აღნიშნა რომ განსახორციელებელია ცვლილება მოცემულ  
დადგენილებაში, კერძოდ სასურველია თელავის მუნიციპალიტეტის მერს მიეცეს  
რეკომენდაცია განახორციელოს ცვლილება და დადგენილების პირველი მუხლი  
ჩამოყალიბდეს შემდეგი რედაქციით:

„თელავის მუნიციპალიტეტის ტერიტორიაზე კულტურული მემკვიდრეობის დაცვის, სარეკრიაციო და სივრცით-ტერიტორიული დაგეგმვის მიზნით, თელავის მუნიციპალიტეტის საკრებულოს მიერ ინდივიდუალურ-სამართლებრივი აქტით განსაზღვრულ ზონებში, სამშენებლო სამუშაოების ან მშენებლობის ეტაპის მშენებლობის ნებართვით დადგენილ ვადაში დაუსრულებლობისათვის, ჯარიმის ოდენობა განისაზღვროს ყოველ ვადაგადაცილებულ დღეზე თელავის მუნიციპალიტეტის მერიის შესაბამისი სამსახურის მიერ შემოწმების აქტის შედგენის დღისთვის არსებული სამშენებლო პროექტით გათვალისწინებული ასაშენებელი (სადემონტაჟო) შენობა-ნაგებობების საერთო ფართის თითოეულ კვადრატულ მეტრზე 0,2 ლარის ოდენობით.“

ყოველივე ზემოაღნიშნულიდან გამომდინარე, მიზანშეწონილია აღნიშნული დადგენილების სრულად ასამოქმედებლად თელავის მუნიციპალიტეტის მერიამ დაიწყოს მუშაობა მითითებული სპეციალური ზონების განსაზღვრის მიზნით.

გადაწყვიტეს: გაეგზავნოს თელავის მუნიციპალიტეტის მერს სამანდატო-საპროცედურო და იურიდიულ საკითხთა კომისიის რეკომენდაცია ზემოაღნიშნული ფორმულირებით წარმოადგინოს თელავის მუნიციპალიტეტის საკრებულოს 2018 წლის 23 მარტის №34 დადგენილების ცვლილების პროექტი.

კომისიის თავმჯდომარე:  ნანა ხვისტანი